

Patuhi panduan keselamatan elektrik

KUALA LUMPUR 26 Dis. - Orang ramai terutamanya di kawasan yang dilanda banjir di Pantai Timur dinasihatkan mematuhi panduan keselamatan elektrik semasa banjir.

Tenaga Nasional Berhad (TNB) dalam kenyataan di sini hari ini berkata, orang ramai perlu berhati-hati menggunakan peralatan elektrik dan memastikan suis utama ditutup sekiranya diarahkan berpindah.

Selain itu, TNB menasihatkan orang ramai tidak menghampiri tiang elektrik yang tumbang atau wayar elektrik terputus serta menjauhi kawasan yang paras air naik dan mencecah dawai voltan rendah serta voltan tinggi bagi mengelak kemungkinan kejutan elektrik.